



Korea Kaskazini yaionya Korea Kusini

PYONGYANG, Korea Kaskazini

KOERA Kaskazini imenye kwamba nchi ya Korea Kusini ikiwashambulia, wataishambulia kwa makombora ya nyuklia.

Taarifa hiyo imetolewa na Yo-Jong ambaye ni dada wa kiongozi wa Korea Kaskazini, Kim Jong Un, huku hali ya wasiwas ikiendelea kuongezeka baina ya nchi hizo mibili.

Siku chache zilizopita, Waziri wa ulinzi wa Korea Kusini alisema jeshi lake lina uwezo wa kushambulia eneo lolote ndani ya Korea Kaskazini.

Yo alisema Waziri wa Ulinzi wa Korea Kusini amefanya kosa kubwa kusema kuwa ataishambulia Korea Kaskazini. "Iwapo atafanya hivyo, Korea Kaskazini itajibu kwa shambulio la nyuklia," alisema.

Hata hivyo, alibainisha kuwa Korea Kaskazini haitaki vita. Kwa hivyo haitakuwa ya kwanza kushambulia kabla hajashambuliwa.

Hayo yanatokea wakati Korea Kaskazini ikirudia majaribio yake ya silaha za nyuklia mwaka huu. Mwezi uliopita nchi hiyo yenye silaha za nyuklia ilirusha kombora la masafa marefu.

HABARI ZA KIMATAIFA

Urusi yafungua anga kwa nchi 52 ikiwamo Tanzania

MOSCOW, Urusi

URUSI imetangaza kufungua anga lake na huduma za ndege kuendelea kwa nchi 52 iliyoziita rafiki ikiwamo Tanzania.

Waziri Mkuu, Mikhail Mishustin alitangaza hatua hiyo jana akielezea kuwa anga hilo lilifungwa kuto-

kana na tatizo la Covid-19 lakini sasa amesaini nyaraka mpya za kulifungua.

Licha ya Tanzania, kwa upande wa Afrika, nchi nyingine zilizoruhusiwa kutumia anga hilo na kutoa huduma za usafiri wa anga ni Kenya, Afrika Kusini, Botswana, Misri, Zimbabwe, Lesotho, Mauritius, Madagascar, Morocco, Msumbiji,

Ethiopia, Shelisteli na Namibia.

Mishustin alitaja nchi nyingine ni Argentina, China, India, Algeria, Afghanistan, Bosnia, Herzegovina, Bahrain, Brazil, Vietnam, Venezuela, Hong Kong, Israel, Indonesia, Iraq, Jordan, Korea Kaskazini, Costa Rica, Kuwait, Lebanon na Malaysia.

Nyingine ni Maldives, Moldova, Myanmar, Mongolia, Oman, Peru, Pakistan, Saudi Arabia, Serbia, Seychelles, Syria, Thailand, Tunisia, Turkey, Uruguay, Philippines, Fiji, Sri Lanka na Jamaica.

Waziri Mkuu Mishustin alitangaza kuondoa zuio hilo akiwa kwenye mukutano juzi.

ICC kusikiliza kesi ya uhalifu wa kivita

DARFUR, Sudan

KESI ya kwanza kuto-kana na maafa yali-yotokeea katika jimbo la Darfur nchini Sudan, inakaribia kuanza katika Mahakama ya Kimataifa ya Uhalifu (ICC) karibu miaka 20 baada ya vurugu kukumba jimbo hilo la Sudan.

Mtuhumiwa ambaye alikuwa ni kiongozi wa wanamgambo waliokuwa wanaunga mkono wakifahamika kama Janjaweed ameshitakiwa kwa makosa 31 ya uhalifu wa kivita na uhalifu dhidi ya binadamu. Ali Muhammad Ali Abd-al-Rahman amekana mashitaka yote dhidi yake.

Wanaharakati wa haki za binadamu nchini Sudan wameelezea kesi hiyo kama ya kihistoria.

"Hii ni siku muhimu kwa waathirika na manusura wa Darfur ambao hawakukoma kupambana kutaka haki ya kisheria itendeke," wakili wa Sudan wa haki za binadamu, Mossaad Mohamed Ali alisema.

"Tuna matumaini kuwa kesi dhidi ya Abd-al-Rahman itatoo mwangaza juu ya ushiriki wake katika uhalifu, susani uhalifu wa kingono, uliotekelezwa na yeze binafsi na wanamgambo wanaoungwa mkono na serikali wa Janjaweed chini ya uongozi wake," aliongeza.

KYIV, Ukraine

ESHI la Ukraine limesema wanajeshi wa Urusi wanajanda kufanya mashambulizi Kusini Mashariki mwa Ukraine.

Mkuu wa jeshi la Ukraine amesema wanajeshi wa Urusi wanalenga kuikamata mji ya Popasna na Rubizhne katika majimbo ya Donetsk na Luhansk na mji wa bandari wa Bahari Nyeusi wa Mariupol.

Urusi imekanusha madai ya nchi za Magharibi kuwa askari wake wanafanya uhalifu wa kivita ikisema ni propaganda bandia inay-oenezwa na vikosi maalumu vya Ukraine kuichafulia jina Urusi.

Ujerumani na Ufaransa zilijibu habari hizo kwa kuwafukuza wanadiplomasia kadhaa wa Urusi, zikidai kuwa ni majasusi.

Rais wa Ukraine, Volodymyr Zelensky anajandaa kuhutubia Baraza la Usalama la Umoja wa Mataifa huku kukiwa na hasira kuhusi ushahidi wa askari wa Urusi

kuua raia makusudi katika eneo la Bucha.

Rais wa Marekani, Joe Biden alisema Putin anapasa-wa kushitakiwa kwa uhalifu wa kivita.

Katika hatua nyingine ya uungwaji mkono, Rais wa Halmashauri Kuu ya Ulaya, Ursula von der Leyen anapanga kukutana wiki hii mjini Kyiv na Rais Zelensky.

Wakati huohuo, Meya wa mji wa Kyiv, Vitali Klitschko, amewataka wanasiasa wa Ulaya kukata uhusiano wa kibashara na Urusi, akisema kuwa malipo yoyote ya Urusi yamejaa damu na yanasaaidia kufadhili jeshi lake.

Jana Marekani na washirika wake wa Magharibi wameonya kuwa wataiadhibu Urusi kwa hatua zake katika Bucha.

Kansela wa Ujerumani, Olaf Scholz alisema kwamba Rais wa Urusi, Vladimir Putin na wafuasi wake watasiwa vyema athari ya vikwazo na kwamba washirika wa Magharibi wataimarisha vikwazo dhidi ya Urusi.

Waliokimbia mauaji ya kimbari Rwanda waanza kurejea nchini

MAPUTO, Msumbiji

BAADHI ya raia wa Rwanda waliokuwa wakiishi nchini Msumbiji wameanza kurejea nyumbani baada ya miongo mitatu tang walipokimbia mauaji ya kimbari ya mwaka 1994.

Kati ya Aprili na Juni, 1994, Wanyarwanda wanaokadirwa kufikia 800,000 waliuawa katika kipindi cha siku 100 na maelfu ya raia hao walikimbilia katika nchi jirani. Mamlaka nchini Msumbiji zinakadiria kuwa

kuna Wanyarwanda wakimbizi wapatao 3,000 wanaoishi nchini humo.

Wengi wao kwa sasa wanaamini kuwa hali iliwayfanya watoroke nchi yao imebadilika.

Serikali ya Rwanda inawasidia wakimbizi kurejea katika maisha ya kawaida. Kurejea ni kwa hiari na wakimbizi wapatao 19 wataondoka wiki hii kwa ndege kuelekea nyumbani kwao.

Mmoja wa wakimbizi, Miyonsenoa Domoties, alisema kuwa anaamini kuna amani nchini Rwanda na

anarejea nyumbani baada ya kuishi Msumbiji kwa miaka minane.

"Tulichagua kukimbilia Msumbiji. Lakini baada ya muda fulani, taarifa nzuri zilitufikia zikiashiria kwamba kuna amani nchini Rwanda, kwa hiyo tumeamua kwenda nyumbani," alisema.

Mauaji ya kimbari yalitokea kutoptana na kifo cha aliyejewa Rais wa nchi hiyo, Juvenal Habyarimana, wakati ndege yake ilipodunguliwa karibu na uwanja wa ndege wa Kigali Aprili 6, mwaka 1994.

JAMHURI YA MUUNGANO WA TANZANIA

OFISI YA RAIS TAWALA ZA MIKOANA SERIKALI ZA MITAA HALMASHAURI YA WILAYA YA NACHINGWEA

Tarehe 03 Aprili, 2022

TANGAZO

Wananchi wote Mnatangaziwa kwamba Halmashauri ya Wilaya ya Nachingwea inatarajia kuuza Magari (07) na Pikipiki chakavu (06) kwa njia ya Mnada wa hadhara utakaofanya katika eneo la Ujenzi Halmashauri ya Nachingwea kama ifuatayo:

ORODHA YA MAGARI

S/N	AINA YA GARI	IDADI
1	HARD TOP	01
2	TOYOTA L/CRUISER	03
3	SUZUKI JIMMY	01
4	BED FORD	01
5	NISSAN D/CABIN	01
	JUMLA YA MAGARI	07
	ORODHA YA PIKIPIKI	
1	YAHAMA - XL	02
2	HONDA TRML	03
3	SUZUKI (TF)	01
	JUMLA	06

MASHARTI YA MNADA

- Gari/Pikipiki itauzwa kama iliyvo mahali ilipo.
- Mnunuzi atalazimika kulipa papo hapo amana (Deposit) isiyopungua asilimia ishirini na tano (25%) ya thamani ya gari/pikipiki alilonuna na kukamilisha malipo yote katika muda wa siku kumi na mne (14) kuanzia tarehe ya Mnada. Mnunuzi akishindwa kutimiza shart hilo atakosa haki zote za ununuzi wa kifaa/gari husika na amana aliyolipa awali hataridishwa.
- Mtu yeote atakayetangazwa kuwa mshindi na akashindwa kulipa asilimia ishirini na tano (25%) ya bei ya gari siku ya mnada atachukuliwa kuwa anavuruga utaratibu wa mnada na hatua za kisheria zitachukuliwa dhidi yake.
- Mnunuzi atatakwa kuondoa na kuchukua kifaa/gari alilolinuuta katika muda wa siku saba (7) kuanzia siku ya kukamilisha malipo.
- Mshindi wa mnada atakuwa na jukumu la kufanya malipo yote yanayohusiana na kodi ya gari alilonuna.
- Ruhusa ya kuangalia na kugagua mali husika itakuwa katika muda wa kazi kuanzia saa tatu asubuhi mpaka saa tisa alasiri siku mbili kabla ya mnada kufanyika.
- Mnada utaanza saa nne (4:00) asubuhi siku ya Jumamosi ya tarehe 09 Aprili, 2022.

Limetolewa na:

ANDREW S. MUHULO
KAIMU MKURUGENZI MTENDAJI
HALMASHAURI YA WILAYA YA NACHINGWEA
MURUGENZI ATAKUA
HALMASHAURI YA WILAYA
NACHINGWEA

ORD0006372